

CASTLET MUNFRA'



BUSINA'

2010



BUSINA' 2010

VEG

Dai duimilla e des a son ancora chi
Sla va parecc as lasomma pì
L'ani pasà, lu sei, aiò sciuperà
Cun la tradision as po' nent schersà
Aiera n'aria an tist paisot
Clera meiandà e fà fagot
Aiò senti in catalucc a di
Che u nost dialet a l'esist pì
Acsi aiò pensà
Damni ancora chi a cantà

FIO

Me cara gent dai duimilla e des
Andomma da mal an pes
Roma ladrona... ieru a drè bragalà
Ma quand che a Rumma i son rivà
I fan la vitta dai Miclas
Mangià,.... beivi e andà a spas
VEG
A la fin dai meis tè nent bon a rivà
Tranquil metti a balà e cantà
Tpori nent pagà al buletti
Alegher, chinta dal barseletti

FIA

Cui chi van a cmandà
As fan al sò leg per nent pagà
Ai cuion caijan vutà.....
I dan in can d'amnà

Sunci na vota ca l'èd Carvà

U TESOR !!

VEG

Alè da n'ani chiè in migg 'dgent
Chi pastissu ..anvers a Quargnent
Camiu, ruspi... tiu veggli pasà
Tit ist burdèper fa 'nstrigà ???

FIA

I portu a spas di mon
I fan girà 'nticc i canton
Na vota tiu veggli sapà
N'atra vota,.. cun la caretta i cuntinuu a girà
I giru dla giara e du giaron
Capi aiè nin bon !!

FIO

I scavu 'nticc i canton
I smiju di can trifulon
I disu che ai temp ad Napulion
VEG

Ijabiu stra na raminna 'ddublon
I stan a sercamda in tesor
Na caplà ad muneidi d'or

FIA

Cui 'dCastlet i pensu acsinpò mal
Saromma ancora la capital ??
Sijesu pensà ad 'ciamà i dunatur...
Cul chiera da fa... allu favu tit lur
VEG
Per fa cul lavù i mitavu in mument
Cla fis na funtan-na o in munument
Cun la schisa 'dculla piassetta
I cicciu ticc.. an culla tetta

FIO

Speromma amma che dbonna stagion
Cas posa ancora sta... sutta a cui pianton
Me car umason
Fev senti cun icc trumbon

IJAUSE' DLA SUCIETA'

FIA

Aijè 'npost sutta u rivon
Ca iè semp stacc quaicos ad bon
An tu nost pais dop disna'
Ticc cui t'ancontri i van an tla Società

VEG

Da dui bot a ot'uri i stan satà
Cun dal carti an man da ramnà
Icc giuvnot dna certa età
Dop in po', lu sei, i scapa da pisà

FIO

Lasà zi 'lcarti ... i poru uacià
Purtai apres.. i san nent cme fa
Si pudijsu fala...andà anan
Acsi dampè... cme chi fan i can

FIA

Ma u Gigin, cla dla cunision
A la stidià la solusion
Paichei alla fasu senza bugià
Ai porta....in papagal... a cui satà

VEG

A là di platò pin d'icc strument
E i so client i son ticc cuntent
U Gigin per nent perdi i client ampurtan
A là decis ad stidiàda badant

U Gigin l'è propi da ringrasià
Sunei ca l'è 'dcarvà

IN MARIAGI MANCA'

FIA

Da parmì iò quasi vergogna
Ma cumpatim ca son na dona
Mi ..chinsimma a son amnija
Cun la ment diesi sentija

VEG

Tant dei frustè cme dai pais
Tni ben ament cul cav dis

FIO

Du duimilla e des a tè ancora chi
Sla và parecc tat mariji pi

VEG

Des per ti, la va 'npò mà
At tuccherà sta ancora da marià

FIA

O che malor caiò mai mi
Truà nent in fiò cadigga sì
E cun tanc ijs ca iò tambisà
Aiè mai nin ca mabia face antrà
Pì cam rincressa alè di me

Ian damstè ijn cui di dnè

VEG

Cun i negosi caijei anvià

I sold i van a bel caplà

FIA

Da sta parecc mi a son stufia
S'ammarij nent mi advent lucca
Na fija giuvna cme ca son mi
Iò sempre voia 'dtra ai chi ansi
Aiò vist che chi a Castlet

I giuvnot i son trop frecc

I venu veg e i son pì bon

Cas pissu primmà ansi garon

VEG

O me car fiò, aiev capi

Che chi as trova in bon parti

E stei nent tant a spicià

A lu sei ben cla vò scapà

La và antal man a quaich frustè

E cui 'dCastlet...i restu a pe

FIO

Ta poc da pretendi me cara fia
Cun sa gnuta ca tà, chi ca lè cat pija

I malusè i bastu nent

Pruomma cun l'Internent

VEG

Danpo temp aveg girà n'frustè chi a
Castlet

Forsi u riva da Giarlot o dau Giardinet

Al và sì e zì da la cumin-na

Nin bon a capi se cal cunbin-na

FIO

A l'è nent in paisanot

A l'è l'andi .. deisi 'd Giarlot

Grand e gros cun di bei mustas

Fac a posta per fat metti ai pas

VEG

Sì e zì... as da fà

Castlet allà titt'anfiurà

Ai perd nent temp a parlà

Lui, u sa cul chiè da fa

A lè propi 'nbel parti

Ijis al và ben per ti

FIA

Sicur ca farò in bel mariagi

Ca sé mai vist.... antist paesagi

VEG

Alè che da inver amsogna fa atansion

A sa sghija an si giason

Na seira 'dgenar cul bel umason

Cun na gambaretta a lè finì ant'in rivon

FIA

Dop tan spicià

A cardiva at fa la curmà

Ades me cara gent

Amman aiò propri nent

U smijava in'om dau ciel mandà

Ancò, là pì ne pari e mari...allan

bandunà

Sunei na vota ca lè Carvà

PREGA' E BALA'

VEG

An tist pais, an ticc iani pasà
Quanti maraviji e quanti nuvità
Iò vist dal robi pi stravaganti
Av garantis... ainò vist tanti
Pasanda antai brollu queica di fà
Aiò senti cantà e balà
Antist pais ad brava gent
An pias cai sija du divertiment

FIA

Anca mi an pias mangià e beivi e andà
a balà

Vivi la vitta an serenità
I sarà stacc na cumpanija
Pasà u temp an' alegrija

VEG

Curiusanda aiò uardà
Iò vist di giuvu a balà
Na bela fija la dava u temp
Ma l'era ai post ...cl'andava nent
Ai temp chi favu la dutrinna
Aiera semp la gesia pinna

FIO

At parli semp di tem pasà
Tat devi csinpò agiurnà
Ades per ai paradis l'è basta balà
Latino-americano ipop e cià cià cià

VEG

Pi nlà an tin canton
Aiera n'umet pin d'magon
A l'alava 'ntesta in bel caplin
Ma da sutta i spuntava.... dui curnin
U giva che i bal aieru di demoni
E l'infer s'ampiva dbeli doni
Ades i temp i son cambià
I riva primmà.... moniji e frà

VEG

I mangiavu ai bvivu au son dai
campanin
E fastiddi inera mai nin
Ades cun la musica chi fan
A la servis a fà baulà i can

FIA

Na votaandavi a cunfesavi
Saurivi pensà ad salvavi
Ades.... andei amparà a balà
Acsì av-ven nent i snugg beia plà

FIO

Lasella buij piantela li
Fa penitensa assusa pi
L'è mei che i giuvu iamparu a balà
Pitost che 'ngir afà dai mà

VEG

L'è veira a ciam licensa
A voi da puifid la me cusienza
Adman a vag a fam mustrà
Balà in.bel ...vas.... lè cmè pregà

Sunei ca lè carvà

SUT LA TURETTA

VEG

E cui dla cumin-na par eisi cuntent
Chiabiu pasiensa chi diggu nent
Alè bel avei dagl'ambision
Ma slarghei ijocc, fei atension
Certa gent cav giru atur
I poru fav amni di bei dulur
Ogni tant i fan stampà u giornalìn
Ad cumpliment l'è semp pitost pin
Aijè intervisti an ticc i canton
Ma capi l'autur....iè nin bon

FIO

Lè mei cav pasiji andè bela pian
Al loudi l'è mei caiju fasu i paisan

VEG

Par la proloco d'arnuvà
Queica d'in a l'èra fina arsusità
Ani ndre inavu vist dal beli
Sai pens..... amsent armiulà lbueli
Ai pan mal mastià u sta nsu stomi
Ben cal vaga at ven gomit
I pasa iani ai crova i pei
Ma sa gent l'è semp a la bela mei
I son stac fora martin e gravalon
I son armas cun la bucca siccia i camulon
E ades... dev da fà
I paisan... i son adrè spicià

E ades domsi da fa
Sunei clè 'dCarvà

AIOMMA LIVRA'

FIO

Ades me cara gent primma ad fini
Aiomma du paroli ancor da di
La Businà per esi capija
Amsò crumpala e purtala vija

FIA

Av salut ticc e avvis

Ca son la pì bel dai pais
A lu dig cun serietà
A son bela an verità
A son granda 'dbela stutura
A son ben facia ad turnidura
Uardem fina ad cantè
A smij lauraija cun in scupè

VEG

A mesa nocc ai Carvà ai finis
Iè la campan-na cav vartis
Sa ieij quaicos 'dgras andei a mangià
Che dman a mangial a fei po' pca
Anlura i cmensa la quareisma
Amsò uardà dfà penitenza
Av ringras ticc aiò livrà
E son cuntent di sta giornà
Se ben ca sapia chiè dla gent
Chi van cà.. nent trop cuntent
Sas fà du righi ad businà
L'è par sta alegher sta giornà

ALE' DEV DA FA
SUNEI CA LE' 'DCARVA'

13.02 2010